



Na osnovu člana 78. Zakona o budžetima Federacije BiH ("Sl. novine Federacije BiH", broj:102/13, 9/14, 13/14, 8/15, 91/15, 102/15 i 104/16), članova 35, 36 i 37 Zakona o računovodstvu i reviziji u Federaciji BiH („Sl. novine Federacije BiH”, broj:83/09), Pravilnika o finansijskom izvještavanju i godišnjem obračunu budžeta/proračuna u Federaciji Bosne i Hercegovine (“Službene novine Federacije BiH”, broj: 69/14, 14/15 i 4/16) Ministar finansija Kantona Sarajevo d o n o s i

U P U T S T V O

izradi i predaji Godišnjeg obračuna za 2017. godinu

Opće odredbe

Ovim Uputstvom određuje se:

- način i rokovi zaključivanja budžetske 2017. godine;
- način evidentiranja prenesenih sredstava na klasi 5 po bruto bilansima budžetskih korisnika Trezora Kantona Sarajevo;
- način izrade i predaje Godišnjeg obračuna za 2017. godinu.

1. Način i rokovi zaključivanja budžetske 2017. godine

Unos obaveza za 2017. godinu zaključiti sa datumom 31.01.2018. godine, a na dan 31.12.2017. godine izvršiti usaglašavanje knjigovodstvenog stanja po pojedinačnim bruto bilansima budžetskih korisnika Trezora Kantona Sarajevo. Sačiniti sveobuhvatan Popis sredstava, obaveza i potraživanja na dan 31.12.2017. godine za sve budžetske korisnike koji poslovanje obavljaju putem Jedinstvenog računa trezora Kantona Sarajevo (Centralna komisija za popis sredstava, obaveza i potraživanja na dan 31.12.2017.godine.). Izvršiti zatvaranje računovodstvenih knjiga na dan 31.12.2017. godine, a po predaji Godišnjeg obračuna za 2017. godinu.(Trezor Kantona Sarajevo i budžetski korisnici) Izradi godišnjih izvještaja, na propisanim računovodstvenim obrascima, budžetski korisnici pristupaju nakon što obave sve predbilansne radnje i završna knjiženja.

2. Način evidentiranja prenesenih sredstava na klasi 5 po bruto bilansima budžetskih korisnika Trezora Kantona Sarajevo

Knjigovodstveno stanje na dan 31.12.2017. godine analitičkih konta klase 5 po bruto bilansima budžetskih korisnika **Trezor Kantona Sarajevo će evidentirati na slijedeći način:**

- promet dugovne strane tekuće godine na analitičkim kontima 511122 sa svih potrošačkih jedinica zatvoriti sa analitičkim kontom 829999
- promet potražne strane tekuće godine na analitičkim kontima 511121 do 511131 sa svih potrošačkih jedinica, osim ministarstva finansija, zatvoriti sa analitičkim kontom 819999.



3. Način izrade i predaje Godišnjeg obračuna za 2017. godinu

Godišnji obračun Trezora Kantona Sarajevo za budžetsku 2017. godinu podnosi se sa 31.12.2017. godine, koji uključuje iznose prihoda i primitaka, rashoda i izdataka ostvarenih i izvršenih u periodu 01.01.-31.12.2017. godine za sve budžetske korisnike za koje se poslovne transakcije evidentiraju putem Jedinственog računa trezora Kantona Sarajevo. (Član 19.,20. i 21. Pravilnika o finansijskom izvještavanju i Godišnjem obračunu budžeta u FBiH, Sl. novine FBiH broj: 69/14, 14/15 i 4/16).

Svi budžetski korisnici Kantona Sarajevo dužni su da sastave sljedeće računovodstvene iskaze za 2017. godinu (Član 19 i 21 Pravilnika o finansijskom izvještavanju i Godišnjem obračunu budžeta u FBiH („Službene novine Federacije Bosne i Hercegovine“, broj: 69/14, 14/15 i 4/16), i to:

- Bilans stanja;
- Račun prihoda i rashoda;
- Iskaz o kapitalnim izdacima i finansiranju;
- Posebni podaci o plaćama i broju zaposlenih;
- Godišnji izvještaj o investicijama za 2017.godinu (INV-01)
- Iskazi o ostalim finansijskim podacima
- Zabilješka uz Godišnji obračun;
- Analize iskaza (tekstualnog dijela);

Obrasci godišnjeg obračuna su pretrpjeli određene izmjene i isti su objavljeni uz Pravilnik o finansijskom izvještavanju i godišnjem obračunu budžeta u FBiH u Službenim novinama broj: 69/14, 14/15 i 4/16. Svi budžetski korisnici su obavezni da koriste propisane obrasce.

Obveznici sastavljanja i predaje finansijskih izvještaja za 2017.godinu su dužni da postupaju u skladu sa Objašnjenjem o izradi i predaji Finansijskih izvještaja po godišnjem obračunu za period I – XII 2017. godine broj: 04-14-1-155/18 od 11.01.2018.godine, koje je izradilo Federalno ministarstvo finansija i koje se nalazi na internet stranici Finansijsko – informatičke agencije Sarajevo (FIA-a).

Pored navedenih obrazaca, budžetski korisnici koji imaju vlastite žiro-račune sastavljaju Godišnji iskaz o izvršenju Budžeta i Iskaz o novčanim tokovima.

Svi obveznici popunjavanja navedenih računovodstvenih iskaza, iste predaju nadležnoj Agenciji, FIA-i Sarajevo u 2 (dva) primjerka , koji moraju biti ovjereni potpisom i pečatom certificiranog računovođe, potpisani od strane ovlaštenog predstavnika budžetskog korisnika i ovjereni pečatom budžetskog korisnika. Primjerak ovjeren od strane FIA kopirati i dostaviti resornom ministarstvu i Ministarstvu finansija Kantona Sarajevo.

Godišnje računovodstvene izvještaje za 2017.godinu je potrebno dostaviti nadležnoj agenciji i pomenutim ministarstvima najkasnije do 28.februara 2018.godine.

Sarajevo, 13.02.2018.god.
Broj: 08-05-14- 5511



MINISTAR

prof.dr. Jasmin Halebić



web: <http://mfin.gov.ba>
e-mail: mf@mfin.gov.ba
Tel: + 387 (0) 33 565-005, Cent. (0800) 13 565-000
Fax: + 387 (0) 33 565-052 i 565-048
Sarajevo, Maršala Tita 62

